

泰雲堂集

泰雲臺駢體文集目錄

卷一

聖駕東巡

盛京祇謁

祖陵禮成恭紀四言詩一百韻謹序

聖駕東巡

盛京祇謁

祖陵禮成恭紀四言詩十章謹序

卷二

夜明祭月賦以秋風之吉夕月西郊爲韻

數點梅花賦以讀書之樂何處尋爲韻

擬庾信小園賦

喜雨賦

水仙花賦

墓田圖賦爲王麗中作

天籟軒詞譜敘

六朝金粉敘

秦漆漁吳吟合草敘

送楊雨邨之柘林別駕敘

題趙訥齋菊社吟草

徐果泉雲留印譜題詞

謝董小池刻圖章啓

冢宰鄒曉屏先生暨配楊夫人壽序

泰雲堂駢體文集目錄

泰雲堂駢體文集卷一

金鑰錄

聖駕東巡

盛京祇謁

祖陵禮成恭紀

四言詩一百韻  
護序

臣聞蒼牙御籙華渚曜其流虹紫炁充房壽邱揚其秘電丹陵  
毓瑞黃雲下覆於三河玉冊延禧赤帝誕生於九井是以青文  
丹甲倉頡傳洛汭之巡華蓋交旂元律大甘泉之祀九年祭畢  
必隆本祖之儀兩漢上陵首重鍾祥之地至若啓柳城於孤棘  
顓頊遷都基蒲坂於姚墟重華遺宅宸居正域雲成龍虎之文  
天步名區山關蕙蘭之路斯尤外大國而是疆固萬葉以爲量  
者也洪惟我

朝神雝獻瑞朱果誕靈邁子氏之鵠駕夏后之慧茲三靈効  
祉執規符出震之方六位時乘共斗應承乾之運和生陽谷配  
太皞以司春旭燦搏桑叶孟陬而紀令

肇基圖大實惟瀋陽

永陵

福陵

昭陵咸在其地天垣考曜應龍尾以疏基坤軸分臺帶鵬溟而  
表鎮山標長白瞰日月於四周江湧愛濔定乾坤之兩戒寶幢  
高擁遙凌太華之三旒神瀆飈流全匯火敦之十采

五雲松柏有熊羆呵護之靈

原廟衣冠在象鳥耕耘之地烏號顛陔丹砂值軒鼎初成綃帳  
葛燈陶穴本周原舊跡洵紫濛之吉壤赤縣之神泉矣粵若聯

縣瓜瓞奕葉猗蘭慶集珍符祥開運會煥

景命以

登庸遂拓疆而定鼎黃鳥底績白魚用歆八表同風九圍式廓  
舊邦翼翼是曰

留都規同

帝制軼追孝於堯山創置官司陋陪京於漢苑所以依太乙而  
象三垣隆

上都而觀萬國也欽惟

皇帝陛下

乾元體撰

貞曜並明

亭育八紘

釣陶六幕

天聲所被列聖無於

兩階日昃猶

勤協璿璣於七政銀河灑潤洗甲清三省之風金甌薦秋熟西

紀十年之稔固已

功昭揚烈

道藹紹庭矣乃復以

青宮侍

輦曾襄事於

橋山白藏司晨復

眷懷於

若水

三陵霜露裁疏數於禮經萬國歡心合升禋之茂典理大物博  
禘祫同嚴尊

祖敬

宗

帝王之孝愛

命容臺撰典靈憲練辰孟秋之月動

玉輅啓

璿宮遵

皇衢展

秋駕魚旂鳥頡梯畢罕而馭風雷瓊鉞瑤扈鈎陳而暉義顯  
鵷儀星序奉太紫之九旂貝冑雲屯擁中黃之七萃名王負弩  
齊驅羽旄之前耆老扶輪戾止



龍興之域桑麻鋪沃按節候於郊基雞犬恬熙想風雲於粉社於是

虔襟祇肅將事質明

柏寢靜嘉

榆壇葱蔚九州備物德產精英百彙遂昌桐生茂豫醴澄接夏湛皇澗之仁膏粟告登秋筍甫田之嘉穎求幽瓊灌貢秬於神邱達屋蕭光配標柴於

昊緯榮援追蠡列義皞而考咸英飮鼎目尊象陰陽而斟今古十倫九獻之禮全八風五行之舞備

睿感昭其淵邃庭柱生芝

神貺表其豐融河冰供鑑龜龍呈字榮光映采於松花竹葦垂珠甘露敷英於木葉歆茲

格降綬我思成旣而存省高年考陳謠俗

巡睇百雉

周覽始基

敬謁

闕宮載陳庸器胄函穹象非漢世竹皮之冠弧殪天狼壓唐代  
榆憊之矢遂

御總章之殿閭闔晨開

頒渙號之綸埏垓澤溥書銜木鳳蠲春稅之禹糧竿植金雞解  
秋荼之湯醫晉陽南頓邀置酒於舊宮麟趾螽斯隆

湛恩於同氣鰲辰綺歲玉蘭青社之英黃髮紺眉鐘鼓彤弓之  
燕爰閭

錫爵大開王會之圖部屋

賜酺豈僅

宸游之豫由是雁臣歡溢戍尉率屬以嵩呼

鸞御迴鑣

乙帳首涂而斗轉悠悠旌旆驂澤馬以和鈴屹屹城墉界盧龍而入塞是行也

展在原陟降之慕

答敷天衷對之誠

鴻翕河墮嶽之規

廣錫類推恩之志洵足輔豐沛之前芬騰靈臺之往烈矣臣備

員史館欣覲

隆儀揆天乏藻自慚轅缶之音頌

帝矢歌竊效卷阿之祝謹拜手稽首而獻詩曰

懿惟我

皇乘乾宅位

撫燾十年規天矩地肅清三省用成

先志如日中天離暉重麗畢雨箕風飲和食利外洎八荒無遠  
弗被麟集仰流輪裳縻至乃開

明堂本

孝出治

曰此齊民

列祖所詒

學衍心傳

道符執契洛範建中演疇福備九品三適大屏注記鑑金埴埏  
芸生在器仁涵義鑠陽開陰閉興益二儀經綸象緯凝和召甘

明昭

帝賜三登屢書更蠲租稅囿獸遊斑沼蚪騰翠百福都庭貞符景彙

履盛益冲

乾乾惕勵

曰此諸祥

列聖積累於茲十稔宜修祀事惟昔

聖祖

珠邱三詣

高宗周甲四舉殷祭載闢

上儀煌煌成例彞耀

前星禮成

陪侍遼膺

昊貺篤祐

續嗣乃

命禮官臚占虔筮諏吉相月日軌翼次除道

東巡習祥展義陽鼂戒塗金靈護

蹕畢雲卷旃房精翼軫金鑾騰驤虹旗沛艾蒼螭素舄或六或

四漓亭慘纒螭畧容裔後翊豹尾前驅俞騎當戶且渠荷戈握

璚旗裘萬幕爭隨筆轡式瞻

陪都

寶城有仙鳳麟接洲龍虎拱衛勢控三都氣納百濟

龍飛粵區億禩攸暨赫赫

列祖作邦作對肇域大東遂擴燕翼勾驪繫組挹婁奉贄冬陽

夏陰偕來孰使

義創

軒闕承承繼繼奠鼎

神京萬方輯瑞乃合歡心吉蠲薦饌五穀芳黃緹成五齊饌芬  
上歆蘭尊淳泌蒲筵醴醴前揭扱杓瑄牲夕引羹簋取卬升俎  
載體鸞刀啓腎水陸精微殖芹蓼芟刈耀秀華凝芳都荔東廂  
布茲碱羅文綱鐘鳴設賓

延旒凝邃山龍火圖六方作繪百僚駿奔裸將獻饋肅倡登歌  
壽人安世縵樂在懸中琴大瑟

孝思昭假上蟠下際優見愼聞思厥飲嗜玉帛效心贖雅驗意  
庶旄揚綏金支結蓋

靈衣儀馬雲景晻藹神遊詆蕩洋洋如在鬱鬱神榆無忘封植

蟠根九幽周護

玉隧

永錫廣仁

大孝不匱九嶷陪營昔盟帶礪公琴兆隅元命作配  
褒忠勸功

恩波渥醲醫巫閭鎮敢壇

躬莅長白闔門瓚幣同庥佳氣淵融

發祥所自周築澧鎬漢營碣泗方此駿厯曷可比附乃  
朝崇政鴻臚班第若木暉騰天潢派系昭穆後先

恩逮揚解大酺

賜復

澤覃陬溢



膺備五福鳧鷖既醉赤帟陰羽外臺衆幣同我慶成示之無外  
乃迴

六飛時維秋季慶暑仰澄商雲繪露秋空霄迴韻此笳吹

翠輦周經

問民飭吏豐和在矚野多秀穗順時省歛用普

神惠懿惟我

皇聰明聖叡

稽古同

天

功無與二

仁育羣生

義征不憚戶牖四極日甞月寧玉券十華靈書八會鐫

勲銘

德恆河曷計敬祝

延洪億萬千歲率土哀誠

一人是媚

聖駕東巡

盛京祇謁

祖陵禮成恭紀

四言詩十章  
謹序

臣聞孝治四海必詳追遠之文燕及皇天特隆自出之祀是以  
共球集慶元鳥徵祥桓勺歌工蒼姬享德至若成陽一祀始傳  
碑記於靈臺灃水九年肇啓儀文於畢陌東西京漢時原廟樂  
章但奏重來新舊書唐代謁陵禮制僅傳三舉緣情定制數疏  
未著於曲臺因事告虔祀典特昭於

聖代詳古初未有之儀協天理自然之則甚盛典也至大禮也  
洪惟我

朝慶演曼珠靈鍾朱果倪天涓涔

神女祥開浴日漢津

真人氣應是則蒼牙席瑞繞華渚之流虹黃帝誕靈揚壽邱之  
祕電珠銜慧竒高密頌其錫疇玉授鸛鵲景毫歌其正域皆未  
足比附

熙朝受

命之符契合

列聖作求之德也廼復福原積累岐陽之毓德千年荷寵駿龐  
析木之明禋百世

肇祖首出

三聖紹興

太祖

太宗丕承丕顯截裨海以裁基規大園而表域應乘乾於六位  
始寅建北斗之杓符出震於八音冒卯應東方之鼓駕金鑾以  
御錄道溯同

天偕玉琯而貢珍圖呈益地遂使扶餘勿吉大恢九有之規模  
韎韐句驪悉隸二南之取宇原夫

肇基之地實在瀋陽天街考曜分野應箕尾之躔坤絡標置作  
鎮跨幽營之域登封長白軼禪主於云亭颺漢混同匯神膏於  
溫洛寶邃古珍符所集太和風雨之交逮夫戎衣一舉條革羣  
歸

新命景興舊園式廓

上都既建是爲

陪京奉安

列祖

三陵在焉氤氲佳氣烏號墜地之弓詆蕩神霄龍護騰天之鼎  
朝靈祇於太室儼采旄羽葆之從蔭松柏於五雲在碧瓦金莖  
之外洵震域之奧區坤維之吉壤也昔在

聖祖三舉上儀亦越

高宗四隆殷祭絜誠備物折衷三古之文流慶衍祥卓越百王  
之典欽惟

皇帝陛下

孝契神明

治光謨烈

斟元釋道

監古洞微塵清三省遂伐三蘂之苞鏡靜十洲壘紀十年之稔  
朱英紫脫表其地符青呂黃人貺以天瑞禮樂應明備之期  
慶祉衍

祖

宗之德固已三靈効順百福都庭矣乃以

前星襄祀曾陪

翠輦於

宮壇

宅位承庥更

眷

丹陵之弓劒遂於

鳳紀之十年

命鸞輿而初邁是時也登穀告成載嘗竚薦乃啓

璇宮乃御

秋駕雨師汎掃霄宇澄清驂夏后之雙龍扈大庭之五鳳豐隆

夾仗展

大輅而馭風雷羽葆騰文建太常而暉日月載塗耆老省舊俗

於

辰旂扈

蹕臣工達飛章於

乙帳車隨豹尾設蘭綺以周廬地指

龍興想

舟瑤於在巘於是質明申戒祇啓

闕宮仰瞻

畫拱

在天感霜露之思載謁

珠邱就幄動

衣冠之慕祝告嘉至工歌大予裸獻正儀駿奔有序兜離在列  
合萬國之歡心水陸畢陳備九州之德產尊焚朝獻一粃二米  
之精瑄玉夕牲五熟三腥之薦金匏銀甕竹葦湛其神膏雷鼎  
雲鬘商脰陳於禮器鬱金合匳求幽既辨於陰陽蕭火達牆索  
祭必周乎訪主龍門呈瑞鑑共河伯之冰牲燎升香柴熱祝融  
之燄景鐘寶鏞列全堵而考義軒芬樹玉梢儻五行而備文武  
孝慈之告具迎送之曲賡九獻之禮申八風之樂闕用能接雲  
氣於天闔受延禧於



昊緯

津流納綠載思樂以冲融

勲峙望藍揭祥氛而岵嶧斯足騰獻饌於唐祠駕視奮於漢寢  
者矣於是

御崇政之殿

展王會之圖

渙綸綍之恩

錫笙簧之燕

仁敷春草翥木鳳以銜書網解秋荼植金雞而肆赦桐圭輯瑞

白雲潔松竹之心茅土分符

湛露沛蓼蕭之惠名王棖幣隨麟趾以拜

恩多士奉璋次燕毛而飲福闔堂依

德臣筵宴

和信景福之歡欣茂儀之騰蹕也由是

天旋雲被杓轉星迴歌涂頌邑歡呼雷殷之聲奉

輦扶輪洋溢暘陽之采鈴和澤馬遵

皇路以迴鑾鼓應器車指

神京而返旆是行也上以慰漆沮高山朔澗胥原之遠躡下以

答翕河墮嶽敷天袞對之邇猶斯則

敬昭肅廟鑄麟玉以馳勲

道藹紹庭翼龍圖而寫慶矣臣沐浴

聖涯甄陶

元化雖智窮測日才乏挾天而歌詠不忘職業斯在中琴大瑟

竊慕思文清廟之詩叩缶擊轆深慙班馬東枚之製謹頓首稽

首而獻頌曰

帝錫蕃釐我

皇受之

黃承

寶命魏魏

德基蘿圖席慶珠囊曜曦

恩覃六幕章亥化馳其一

旆蒙歲陽畢於月次

六飛時邁上

陵有事羽林列衛鵷儀扈

蹕懿鑠

茂儀用彰

孝治<sub>其</sub>

天東寶幢是曰長白龍蟠鳳翔

天與之宅

寶城峩峩

榆壇奕奕潛慶靈長

肇基有赫<sub>其</sub>

赫赫

太祖秉鉞有虔犀甲十三

宣威阪泉搖耒因壘朝鮮艾旗

豐功四照

峻極自天<sub>其</sub>

允文

太宗武烈是承松杏克捷遂自陟升仰流鱗集

景運龍騰中鄉靈貺百祿是膺

其五

諏吉練辰

虔恭徽典法物陳庭殷瑚夏璉

睿思淵穆

凝旒有緬

祖德

宗功

鴻圖式闡

其六

寶鼎升簫璠尊薦醑禮備十倫樂歌四始都荔遂芳芳以蕃祉

懷詩受福億萬千祀

其七

大孝錫類

澤靡不濡元命配享陪兆鮒出肆及岳瀆望徧志孚金支庶旄

羣靈翼趨

其八

乃開明堂萬國獻珍爰聞

錫燕

恩逮雁臣徹俎路寢子姓振振

建中無外含和飲醇

其九

六龍宛宛乃迴

鸞輅

輦道周經蠲租減賦抃舞康衢歡聲載路萬祝同詞受

天之祚

其十

泰雲堂駢體文集卷一

泰雲堂駢體文集卷二

金鎖 孫爾準 平叔

夜明祭月賦

以秋風之吉夕月西郊爲韻

聖天子貞明並曜上下同流禮陰精於方坎次柴祀於  
圓丘典重常儀大報天而配日時維少昊值定朔於中秋拜桂  
闕以北門璇霄露迴夕竹宮而西向帟幕星稠舉正於中指西  
繩之五日迎氣於始當兌矩之再周是月也南呂調律西顙策  
勛值秋風之應候逢初吉以騰氛朏眇生明於畢昴之次日月  
合度於角亢之分出正交而入中交定九行於白道上弦兌而  
下弦艮合七寶於丹雘雄畢雌諏薦漢紀攝提之上瑞聯珠合  
璧軼軒元甲子之前芬爾乃瑄窺景測各有其儀盈虧側匿馮  
相掌之時則浸羸未滿顧兔猶遲逗一痕而經額佇三夕以舒



眉金液乍流灰園缺暈銀塗未徧歛影無規蕤蕤敷榮展彤墀  
之初葉桂華曜采茁瑤殿之纖枝三五輪虛水鏡待謝莊之賦  
西南樓迴玉鈎吟鮑照之詩則有雷鼓收商雲羅繪霽刻晝夜  
以平分角斗甬而正律應時則龍已潛淵近社則燕初辭室壽  
星表瑞丙位當南極之中元武分躔庚宿指西方之七算比戶  
而葉定書年覈靈憲而雲開辨吉於是葉結藉壇元纁薦璧白  
藏司方金神祝策積標燎以升煙設帷宮於向夕是曰夜明坎  
深四尺溯三古以究儀歷開元而頒格敷送迎於四氣方明表  
周典之尊羅裡祀於六宗沈與繼虞巡之跡其爲儀也建太常  
翬金鑣乘白輅秉黃鉞衛士列仗禮官贊謁異相近之祭時就  
西郊而象月湛方諸以薦潔曉露將盈載少采以告虔宵鐘未  
歇並兩儀而垂象台室增華每三讓以示冲帝臺警闕迨夫茂

儀既載誠意載齊奏紫雲之迴縵樂騰諧於鳳吹刻茗華之玉  
版詞煥采於虹霓慶靄臨壇歆鼎烟而直上神光銜燭指銀漢  
之流西是惟

敷高軒

聖邁羲巢合陰陽而體撰與神明而德交乃能治象天地器用  
陶飽祥敷神幄瑞縮靈茅焯夜通幽正黃道於三垣之市順辰  
揚采麗丹宸於六位之及宜其典禮齊於朝日而欣慶比於從  
郊也

數點梅花賦

以讀書之樂何處尋爲韻

爾其歲晏山空風高樹禿日隱遙雲冰膠古瀆靄慘慘以將飛  
雲漫漫而成簇落雁陣之幾行繪江天之一幅則有旅客孤吟  
高人罷讀大庾荒村杜陵老屋散步逍遙忽聞清馥見的皪之

疏梅映橫斜於脩竹開顏笑乍出手寒初葢青餘古華淡香疎  
招靈風於小圃掃明月於吾廬記燕龍涎之鼎自攜雅觥之鉏  
遂使鍵枳關而守鶴渡瀟水而騎驢人日寄相思之句隴頭傳  
隔歲之書爾乃偃羅浮之半樹分射的之一枝逗東風而驚早  
盼北嶺而恨遲芳心雀啁素豔禽窺見綠毛之倒挂悟烏足其  
未知鄉愁亂處成角吹時憶故園其開未向綺窗而問之雪裏  
前村已經攜酒空中幾點恰好填詞於是琴泛能清笛吹不落  
健步初移巡檐試索雖教綻五瓣於含章映九光於平樂認禹  
廟之高梁敞揚州之官閣亦復帳選夢而黛孤柯搖詩而玉削  
似天半之冷電疏疏似空際之晨星作作似珊瑚之海月清圓  
似蛟背之明珠綴錯似七七咒取之花似九九消寒之萼比壽  
陽之濃睡妝額勻數儼姑射之薄遊冰肌淖汨至若堂名玉照

亭是紅羅盆戲金於汝水瓶采玉於洮河苔枝偃蹇綺石陂陁  
紅稀的的白小瑳瑳又如庾信屏風之本徐熙挂月之柯貌折  
枝而殺粉寫橫幃而研螺雪嶺墨池春看長在冰圈玉暈蕊亦  
無多便令畫舸相逢度簫聲於姜范何似熏鑪靜對撥灰裏之  
陰何由是曲譜銀簧詩哦冰箸驛使未來故人先去粲小葩而  
可數帽屋曾妨出高格而誰摹懣楞欲曙試訪竹舍與茆籬何  
羨金堂與玉署扇清芬於幽谷花不須鰐黏孤蕾於枯條春還  
知處於是召廣平而作賦聯水部以傾衿驗牆根之宿枿記礪  
外之疎林道左則倚桀相賞江邊則拏棹遇尋香緣近而頻嗅  
枝以短而稱簪因之悟發生於凍沍參消息於陽陰子未生仁  
先占百花之首圖如含慧懸知太極之心

擬庾信小園賦

若夫陸處無屋思光牽洛水之船窟室以居公和隱蘇門之谷  
況乎戾邱有鬻茹之堂司城無徑宮之潦晏嬰近市朝夕得所  
求謝客卜寢煥寒隨所適豈必銅陵金谷程卓充鈇規之端青  
瑣綠疏圖畫有仙靈之氣余關外一區東臬數武雖馬瑤定居  
豈僅置兎爲事焦先淨掃直以瓜牛爲廬物疏道親詎思委裘  
於河上地偏心曠本殊振鷺於西雍梅福之卒隱吳門猶存甥  
舅隴公之采藥峴首尙有妻孥折芰燔枯此焉自足者也爾乃  
結廬近牧閒居面城杼井欲以流惡辟疇豈云厚生鮮疏房之  
槌貺無連櫬之雕薨因樹爲屋關牖取明負陰面陽螫蟲之智  
震風凌雨巢燕所營棲戢飛而翬小恩冒影而蛛輕桐陽朝藹  
槐月宵清蟲懸翠絡禽啄朱櫻茵承露而擎盞瓶過籟而吹笙  
於是草樹蒙茸陰森膠結虬榦暴鱗蛇蚺蛻節匠石斷材般斤

鏤鐵篆壁蝸涎窺腮鳥瞞石繡霜封潛青地泄紅菱花飛綠垂  
筍折糾格安戶欹斜得路藤多刺而挂衣石穿林而窘步山一  
簣而聳青沼數尺而橫素循曲墜以迂迴憑鈞略而逕度柳拂  
鏡而眉新花承釵而色故江陵之病橘十頭孫綽之長松一樹  
爰有樂志之簫豈乏遂初之賦復有穆棗穰橙侯桃棹柿若榴  
折丹蒲萄潰紫涼瓜鎮心寒菹沁齒養金氣於日精采丹華於  
秋杞薜育育以嘗魚麥青青而射雉聊以御伏臘聊以蓄甘旨  
敬通則室有孺人子雲則門無稚子陶潛之居環堵文史自娛  
徐勉之營東田歌哭於此然而江侯多恨梁鵬端憂門無西笑  
冠類南囚虞翻以窮愁著作王粲以望遠長謳盼上林之落雁  
愧搶榆之鸞鳩花何名於蠲忿竹何益於掃愁魴何爲而頽尾  
烏何事而白頭桓司馬隕涕於木落殷元子興歎於桑油陳思

王之塊處臨觴唯餘僕隸楊常侍之拂衣鼓瑟何有春秋閉門  
卻掃載更涼燠雲黯黯而宵長風槭槭而秋早悲頓首於秦廷  
歎相逢於楚老腸斷夫容之花心拔薤施之草述潘岳之家風  
有掌庾之宗功杜周則郡夾少長陸機則廨別西東遡淵源於  
河洛稟靈秀於華嵩始含香於粉署復執戟於蘭宮宣室有鬼  
神之對金鑰爲文史之宗簪纓豪以典籍撫羽扇以臨戎遂乃  
春秋有去故之思身世有衰榮之異感風景於新亭問筵簞於  
卜肆吳子心念西河蘇武魂銷漢使玉門無可到之期金仙有  
長辭之淚歲月驥驥麻衣雪襟坐無穆生之酒室餘中散之琴  
楚歌兮楚舞吳吟兮越吟花飛鶯亂日長草深池臺平兮故國  
輦鼓動兮商音湛湛江水兮青林目極江南兮傷春心

喜雨賦

衆美既賜鳥緯用更玉衡炭重金柘烟輕退鶉火以棲西值鳳  
紀之遷庚蒼龍見而萬物待澤盧魚躍而四陸無聲旣行水而  
草薶竟愆澤而芬成爾乃繖秉炎官輪催火帝已靜鳴于全消  
屏翳曉露避日而銷珠宵星掃雲而揚曄赤城標起騰維葛於  
西霞碧漢橋橫互誰杠於東蟠禾欲槁而蝗飛麥遂枯而蛾綴  
樹有頂而皆髡葵有足而難衛則有松架晨遮竹關晝閉落佩  
倒冠斜簪散髻調赤靈之符配元冰之劑猶復尋扇市而無從  
折荆枝而難蔽屋傳拂荊激縣瀑以何曾臺號靈芝望凌雲而  
莫憩吹塵障日憐涸轍之赤鮒映罽窺星想涉波之白瓊  
天子於是宿齋宮走圭幣金雞赦玉璫瘞使神馬兮賁文命番  
僧兮誦偈祈楚望而驗卯辰禱桑林而志般裔惟天地之合德  
乃風雲之通祕璫蓋未蔭乎郊壇和氣已周乎燕冀揚風伯之



青旗拔祝融之赤幟檄神女於灌壇召結璘於畢次列缺開簌  
阿香鼓鞚涇水驅工天達按轡欣靈液之乍霑快神膏之紛墜  
響碎敲篴聲清瀉芰零病葉以塗青洒枯叢而染翠回生意於  
孱莖幹神機於秀穗調商絃應破琴驚黑蜺之飛吹角雲來滋  
墨看神龍之戲曉趨禁漏僕射移丹陛之班秋冷雲司省郎擁  
青綾之被卷簾暑退水部吟暮燕以撚詩拋扇涼生學士解金  
龜而買醉若乃庭焚戾虎盃咒乖龍暴厓魯社刻鶴南峯溟火  
陋成都之西激乾土羞梁父之東封凡圖澄之偏技衆僧陟之  
遺蹤曷比通警欬於帝謂敷造化於

皇棕溥湛恩於四野慰盈望於三農又有罷督郵而澤澍命樞  
相而恩覃鄭宏則隨車徵瑞魯恭則盈缶流甘于公決獄於東  
海文昌膺解於荆南雜寶獻虞寄之頌刺并徵管輅之談亦一

方之汪濊非萬國之湛涵至若石燕恆飛商羊屢舞半榻苔侵  
一庭草腐頓神海於霄衢走長河於荒圃鼃極陷而將淪蝸石  
漏而難補杜陵吟苦破茆屋於南村笠澤書成落柴門於淞浦  
馬牛莫辨比秋水之灌河鼃鼃將生卷春江而入戶是將賦休  
奕之愁霖又豈能和燕公之喜雨是雨也微占時若瑞叶歲和  
絲縑斷縷雲翦輕羅開簾紅淡遮屋青多草是招涼垂來細帶  
珠名銷暑走徧圓荷穉穉村邊聽連陂之蛙鼓玻璃江上畫一  
棹之漁蓑方枕生涼喜清宵之穩睡墊巾漉酒對皓宇而當歌  
歌曰蘊隆思快雨應候得滂沱新水增興慶歸雲擁駁婆沾泥  
深下尺擢秀茁駢柯餅餌前村足香風五里過

水仙花賦

仙掌欲折銅餅已冰急景凋歲萬卉殞殘綺疏悄掩蕭寥無朋

乃有嘉植凌寒獨矜名曰水仙亦號女史蕊嶺葉擎蒜山根從  
孃孃抽莖亭亭吐藥的的金明鮮鮮玉玼水盃斜傾銅盤挺峙  
澹一笑而江橫墜明月於洲渚恨牽裳而莫從浥清霜之瀾瀾  
夫其翠羽拂塵羅幃約素有如洛妃凌波微步吹氣麝熏鍊顏  
玉駐又如姑射水肌綽約明星耀瑤碧霓紫裾玉清小謫愁處  
織室淺額安黃圓渦暈喜靈妃顧笑粲然玉齒至若鑄金寫貞  
鑄瑤表潔匪借溫於鞞扇不爽信於霜雪羌獨立於春風絢秉  
氣之貞烈豈素面虢國之妝詎金屋阿嬌之列固宜永伴吾廬  
幽人高節翦一燈於黃昏寫素影之清絕

墓田圖賦爲王麗中作

喈佳城之葱鬱兮倚嶺岑而面陽建高標之仙掌兮迤縣屬以  
崇岡流玉膏之漙溢兮帶環周而如隍挺檉松於嵒嶙兮陰厓

苗其芝房爰揆之以日度兮辨侶繆之兆塋識牛眠以定宅兮  
封馬鬣之崢嶸既設壙而窆窆兮樹豐碑而麗牲背負陰而向  
離兮遵達禮於北方洵簪卜之無愆兮明等俄於墜牆爾其司  
徒族墓家人展圖三斬板以縮載覆夏屋之旁舒界東西以列  
次合祧禰而聚居銘旌丹旄白馬素車愴紉歌於薤露棲神爽  
於欝梧置明器而如在仰斂襲之稱餘或埏墜之不閉集鱣雀  
於菖廬何媿俗之不古委遺骸於青烏每華離而星布隔數舍  
而峙孤棄先冢於甌脫代再易而淪胥輓頽風者繫誰愜瑯邪  
之華胄徵世業於青箱信孝友之克守摸丙舍於會稽仰前脩  
而永疚仿窳隘而繪形志家乘以不朽冥宮一閉日月載遷春  
蔬秋黍給於圭田怵霜惕露薦其精虔悲金蠶之永綢想漆燈  
之熒然莽叢抽而不忍掃恐根莖之達泉哀鮮民之不祿封幽

墮於荒阡慕捧土於孝闕懼埏甕之未堅仰純行之可法足繼  
美於昔賢披斯圖而三歎淚淋浪於素縑

天籟軒詞譜敘

溯自樂章大輅託始散聲曲譜翻香越傳小令高樓暝色菩薩  
蠻卽子夜之遺金井秋波采桑子改羅敷之豔清平三調河滿  
一聲嚳徵含商有自來矣迨夫大晟旣作灋曲肇興則有八十  
四聲二十八調夢窓麗製尤擅漫辭竹屋新篇更工癡語換頭  
半闕鸞鳳移巢鬲指雙聲湘湖吹月紅鹽烏角官製新腔疎影  
暗香曲繇自度然而摧場譜逸燕樂書滑徒泐大石之譌莫灑  
嘯餘之陋但求協律爭改大江東去之詞未解新裁又斥小樓  
連苑之作徒是循訛以學步誰能識曲而聽真此白石仙所以  
歎息於茗水清簫紫霞翁所以擊節於贅洲漁笛也葉小庚同

馬大羅天上早詠霓裳小劫輪中旋辭閨苑夜郎西上一障乘  
邊洱海南浮廿年去國碧雞金馬本才人奉使之鄉白焚烏蠻  
亦詞客壯游之地然而盧琦冷宦馮衍長愁水沸如湯瘴濃似  
墨上使君之艘牒畫鼓撾閒感商婦之琵琶青衫淚濕六詔風  
烟之下恆益欬歔中年哀樂之餘方資陶寫於是擊來蒼鶻誰  
是參軍望裏紅溟都歸麤弄瓢笙蘆管收諸三部樂中仡烏獐  
花織向九張機上逢場作達每減字而偷聲對酒當歌藉回腸  
以盪氣乃復嘯新聲於車子拍按紅牙尋舊譜於羽衣笙調銀  
字三中句好盡擷東澤綺語之精四上聲爛不效西域梵書之  
體霞踐玉滴紅友之成律重排水佩雲璈白樸之命名堪借白金  
僕有天洵足爲金荃之輯轄蘭苑之喉衿矣僕生無懸解少好  
倚聲千鐸難諧江花易落金門一別重逢於綠榕聽雨之鄉錦

紙百番快讀於丹荔餐霞之候爲憐同調謬托知音笑欲絕纓  
喜如見獵緣知長短中和繆琴趣笛家十五六女郎李娟張態  
從此曉風殘月有井水喫處能歌豪竹哀絃合畫壁衆山皆響

六朝金粉敘

昔沈東甫徵士纂唐詩金粉錄采菁華斧藻肇繡五衲錦古製  
水田之衣百和香濃釀山蜂之密綴學之士方聞之家嗜若侯  
鯖珍逾禁齋然而窮搜五際不登正始之音博采三餘勵及貞  
觀以降瑤山拾級未造樊桐金海尋涯徒遵鯢渚未免舉條遺  
本餐勝忘歸此藜庵大令六朝金粉一編所由作也大令弱冠  
已聞強臺蚤上釋褐拜元豐之渥難藜讀中秘之書旣廼六鵬  
退飛雙鳬遠邁問青齊之舊俗尋白雪之高樓羊新安本少宦  
情陶彭澤惟耽歸興指離華之秋色拄笏遙看留棠帶之春陰

截鞭竟去北牕一榻高卧羲皇南面百城覃精誤述是則枕經  
莊史便可窮年畫脂鏤冰不嫌費日者也爾乃築基典午博極  
受辛蘭霜清言茗柯實理書名皇覽孔堂偕汲郡齊開選號蕭  
樓玉軼與金羈並鰲測文竣筆自有門風璧月瓊枝遂標宮體  
郊詵片玉每剖璞以先收安石碎金亦披沙而並揀擬隋家之  
桂苑州次部居仿白傅之陶瓶銖積寸累波澄紺色如逢記事  
之珠風落紫文總饋貧人之腹或乃侈心務廣誇目尙奢貽笑  
雕蟲見嗤祭獮不知羸卒五萬何如精騎三千握杜公瞻之編  
珠光能照乘割邱希範之勝錦粲若生花七寶合成方憑修月  
之斧衆材畢具可構凌雲之臺也僕大羅天上同奏霓裳麗正  
門前旋聞驪唱昔年禁署蓮漏深沈今日寺門杏花蘸落尺波  
電謝宿草新抽心傷最少之年難忘平生之語女青男紫誰傳



柯古之書塵榻遺編忽奉子雲之作信傳千古君比桓譚欲序  
三都我慙元晏東阿仙去爭迎國主於陳芳師丹善忘更拾童  
蒙之香草

秦漆漁吳吟合草敘

著叢書於笠澤亦載詩篇編倡和於松陵尤詳漁釣艫浮五瀉  
祠訪三高欵乃而唱前溪變警而歌子夜則憂道州之韶濩惟  
有漫郎說江左之文章最工吳體此櫂歌竹枝所以含思婉轉  
爲沅湘之裔有淇濮之豔也吾友秦子漆漁浮家射水穿徑繚  
塘入禹穴探龍威之書訪吳宮搜雞次之典辨蠃鼠而博物賦  
晏武而驚人旣已振履雲中看花日下乃復居爲遠志出采文  
無庾蘭成最憶江關馬少游長遊鄉里發小海之唱自操土風  
歛大雅之材爲歌水調著梁溪櫂歌百首畫山竹枝百首蓉湖

曲十首石塘漁父詞十首舫船花燭詞十首香之爲吳吟合草  
夫權歌創於典午竹枝始自貞元顧或銅琶響急未叶宮商錦  
秘詞工偏傷側豔藻續有乖於事實山水未契於靈衿徒衍卮  
詞未爲妍唱此則三疊按而笛裂六氣撫而琴和雖復珠腰劍  
鬢三日紀麗人之行金管玉簫百尺寫綵娥之影而聽鸝撲蝶  
聊布南國之風樹下門前終異西州之曲況復馬橋河畔龍尾  
陵邊尋李相之書堂訪湛公之別墅藉艸續碧山之社吹烟試  
黃竹之鑪一斛新泉冷於花乳六朝舊夢醒以松飈鏡高宋塢  
之前一枝塢近花落綺塍之側五里鞦香狎鷗鷺而尋盟錦旆  
徑遠數鴛鴦而選夢玉帶河深凡訪古之崇情皆冶春之逸致  
至若錯翠爲綸濯滄浪於谿叟買紅纏酒豔花燭於樵青斯又  
烟波之軼事花月之新聞也準苔本同岑竹慚合律山中則桂

枝留客渡口則桃花笑人逢山水之清音欲賡招隱攬雲霞之  
聲畫足當卧遊披圖而校我忝皇甫三都之敘升高可賦君洵  
大夫九能之才

送楊雨邨之柘林別駕敘

地屬肩髀難逢邢子邑升緊望每歎陽鱈故夫使采訪者二十  
六縣勸農桑者一十六條求其不怨繭絲先勝槃錯簡直而事  
無不辦寬仁而人不忍欺以今徵古蓋其難焉惟雨邨明府叔  
次賢裔晉絳名儒雀環傳四世之祥龍文有千里之目圭璋特  
達早拔茂才印綬若纓旋階大尹其宰我錫邑也琴有平心書  
無掣肘一塵不染兩鬢爲焦清有孔姑臧之慈嚴無屈突通之  
艾鵝湖一勺長流吳隱之清龍峯九重難並松陽之峻用是祥  
鸞降樹馴雉依人出入戴星單父自理春秋量澤騶邑獨豐當

五歲言要之期正三異政成之日循良之號夫何愧焉至若引  
經斷獄著譜燭奸善理如驅雞去惡如逐雀辨帷鐘於塗墨鞭  
鐵屑於團絲固已邑有神君案無留牘矣由是印牀花落吟新  
藻於河陽蠡館柳生咏清陰於彭澤俸入則但售練素坐擁曹  
倉公退而不輟鉛黃徧繙鄴架仕優則學武城弦誦之聲在閭  
若刑宓子父師之教識宵越於中夜收何武於學僮西征作賦  
南面絃詩自號漫郎都忘健令然而官偏疆項改特勞心蕭育  
詣曹不行卜式將漕獨最秋郊牛擔爭輸內史之租春社雞豚  
共醉建康之酒又復登山縱火拔薤植桑振廩發棠藏豎蓄棋  
客訝新繁之菜民懷著作之林於是大吏上其治行

天子重其廉能丹展書名緹屏褒績風衢驥展士元非百里才  
雲路鯢升祭彤增一等秩歌驪將發留犢去官辭慧麓之舊郊

荷柘林之新級邑人留鞭截鐙卧轍拒輪鼓打紉如莫挽鄧侯  
之去齋陳蘭若難祈樂令之來爰寫丹青用昭清白望烏鳬之  
漸遠悵琴鶴之難羈是圖也一聲別曲如聞于薦之歌萬口刊  
碑聊紀萍鄉之績云爾

題趙訥齋菊社吟草

白衣擔酒暮蟬寒雁之天金友尋詩瘦蝶酸醬之地制頽齡而  
養藥采采日精迫晚節以抽茗英英霜傑掩門風雨纔過重陽  
繞屋簾籬未荒三徑固宜周茂叔評爲隱逸王淑之贊其幽馨  
也則有趙君訥齋尙湖通士吾谷素流餐東籬之落英汲南陽  
之甘井訪種玉山堂畔鉏徧青苔修譜金粟牋中鍊成丹法獨  
賞於露冷烟明之候簾外秋濃相對於金迷紙醉之間燈邊人  
瘦一壺香溟橫左手以持螯兩鬢霜清倚西風而送雁於是碎

揉雪魄邀陶處士吟詩圓釘金鈴倩賂賓王作敘集編各體詞  
擅衆長相逢秋士君猶存晉代之流風自擷春苗我尙任天隨  
之荒宅

徐果泉雲留印譜題詞

嘉慶乙亥識徐君果泉於龍溪葛儻邁俗通悟軼倫捉刀牀頭  
削牘幕下傳決事之書於杜友受名法之學於恢生才性都長  
藝能兼擅梅花修到前身合是畫師柿葉題餘當世咸推草聖  
固已分其贍技足可十人獎厥專長更無餘子矣一別如雨頻  
吹好風頃復寄示雲留印譜銀蜚屈尾紅蠶盤絲劑秦漢於毫  
端走籀斯於腕下乃歎伯玉別自名家知元章猶多不盡也遡  
自篇名爰歷部校郵鄴秦創刻符漢沿繆篆仲將宗養傳相法  
於龜顧蛟迴部曲軍侯取急就於刀鋒箭鏃則有龍紐豹紐蟲

書藥書撥蠟翻沙鑿金切玉厥後燈光剖璞花乳開阮其用益  
繁其流浸失麝煤千軸雁帛一函戶冊齋顏卮詞譚語漫殘摹  
古滿密諧今佞棄小生終乖大雅遂至鈎須失實丁尾亂真誤  
成皋之四羊譌冀府之六虎鄉壁虛造穿屋象形非五百之新  
埵異九千之試諷左蟠右屋漫詡新奇淮雨別風徒滋繆盭先  
生病之繇是祭酒之遺習其讀若扶風而外斷以闕如照水而  
肖取活東瞻天而悟通屈北文傳前史芟夏五之存疑戲出後  
庭辨秋千之非革是知加刀守井學僮先習飲章苛人受錢斷  
法原通尉律宜其匠心獨運試手成風理本同條事仍共貫也  
至若昆吾鋒銳斗檢功深以南都學博之新型敦上谷仙人之  
舊渠桃花瑩凍仍用武都之泥籬葉披文卽是靈書之券法名  
螭扁疑從汲冢攜來官號祭尊似向書堂拾得洵可曾元二李

穀穀三橋僕癖願鑄金顛同拜石隱鋒撥鎚已媿薑芽垂露懸  
鉞尤膏穗本識慙白石徒緝集古之編才謝櫟園莫續印人之  
傳

謝董小池刻圖章啓

金塗銀鑄上方盛青繪之囊揚蠟翻沙中世重錦砂之刻繼蟾  
酥以碾玉鋼煨菊花仿駝紐之辟邪篆摹柳葉文尋螭扁石鼓  
填金鈐取刊圈銅爇剔翠讀書堂下青苔繡曹氏陳思寶晉齋  
頭紫粉辨米家辛卯是以劉娘載草堂十志公孫收畫史一書  
準未窺倉史之奇不識德元之脚方憂江敷遇僧真移榻何意  
曹公爲崔氏捉刀承頒鳥篆附在鱗書以雀籙餘思作雞碑臘  
技王宰畫山不妨十日宋人刻楮何待三年垂金屈玉是鼎釵  
未蝕之文昂翠箕張寫秦漢以前之字貯之鎮犀匣得永壽於



貞珉養以透雲香襲餘芳於賤字喜同捧玉載寶銘心我何曾  
拜急當入米芾之神中公盍少休莫頻走史籀於腕下

冢宰鄒曉屏先生暨配楊夫人壽序

龍勺精金綸言以況君子犀屏靈杖殊錫以優碩臣自昔太元  
曼壽之祺必有建福延禧之佐是以赤圖之呈也雉鼎斟而運  
薪平陽蒼錄之受也魚鈐啓而祚緜卞維並已調元玉燭紀瑞  
縹囊望若神人光於前古從未有自

天子竿特開張酺之筵奉

勅引年別賜孫資之膳宮紈盤彩裁續壽之仙巾

宸翰揭覆作延齡之玉券進酒而歌徵荆部錫嘏而祝進麥邱  
爲稽古之奇榮備

熙朝之盛事如太宰曉屏夫子者也夫子瑤躔毓德銑社誕靈

衍先澤於道鄉接遺聞於涇里守嚴三去金心在中暮凜四知  
銀手如斷識臣心其似水笑比河清森正氣於清秋詞含霜肅  
固已冰稜表色

天子知毛玠之公方玉立班心百僚懍鮑恢之丰采矣然而叔  
敖取壻必原炯介之衷莊叟辟金非徒矯思之跡昭名端繇心  
行陰德有如耳鳴敢播敦睦敬申揚摧夫子犀角初豐鳳毛必  
貴鰭辰馳譽楊子雲靈節之銘綺歲騰華李廣漢經橈之製青  
雲直上黃道無譌遂入翰林鬱爲時棟從容日近守庸成之府  
十年凌迥霄清讀中祕之書萬卷然後芒寒脫穎受

九重特達之知文耀戴筐升七寶莊嚴之座文武惟其所措禮  
樂萃於一身才旣裕夫三長用不艱於歷試迴翔臺閣袁聿脩  
獨號清卿踐陟棘槐崔元伯遍躋榮路其典冑成均也春風槐

市樹模楷於儒林其端尹儲詹也曉日桐山翦榛蕪於宮體其  
秉衡銓部也恩馳天口揮神筆而淵鏡九陳其司戎常伯也號  
渙王廷法文昌而整齊七萃他若枹稀赤縣作翊而亭有埋輪  
栗轉黃腫掌庾而漕無砥柱莫不躬躬如畏抑抑懷箴嚴勅錄  
以自繩處脂膏而不潤故能乘舟以過日月常近  
恩光聽履而上星辰從無跼蹐榮階特晉加銅輦之宮銜異數  
仍邀給翔麟於

禁苑沉復門牆山峻淵鑑冰澄磁石不引曲鍼松柏能噓纖芥  
當夫邊節彗電輶軒采風馬過冀野而空羣竹入稽山而盡箭  
白袍立鵠擷西江東岱之英紅燭如椽列秋實春華之彥衣袍  
可識望而知安定之門人冠蓋皆榮喜共得陸公爲舉主斯則  
當代之龍門有屬多士之鱗集非虛已自昔才無求備學有專

門蕭曹著述非長丙魏文章見紉夫子則學淹漢聖名擅經神  
叢雲挾其奧詞非烟颺其藻思

授簡廣柏梁之詠

講筵敷任苑之精下逮刻燭催吟含毫寫詠承公勛德俱述則  
手訂姑臧白傅名流詩集亦親編長慶蓋當石渠始入延閣初  
開首定劉向之校刊遍覽陳農之採摭鄭夾漈博物五十八籤  
張茂先洽聞三十餘乘窮搜盡簡廣集咫聞此午風堂詩集叢  
談二編所以爲五際典型百家館轄也用是九蘭萬物循通八  
風大猷聿著於巖廊餘慶更鍾於家衍我師母楊夫人蘊華珂  
里麗德名楣居高而益慎柔儀處貴而曾無矜色蓋惟雞鳴鳧  
弋賴交警於詩歌是以翟鼎鸞綈受褒榮於

寵命茲者黃襪繞邾繡綬齊眉慶亥算之同庚先占亞歲喜台

望之傍日移近陽春

天便遙臨拜便蕃之錫賚月卿偕至祝純嘏之紼駢某等愧甚  
荒莊依同函丈門前立雪敢誇玉筍之班盃底流霞願進瓊枝  
之頌居三百六官之長羨此時赤芾方來閱二十四考而增竚  
他日黃扉重慶